



DEO OPTIMO MAX.
UNI ET TRINO,

VIRGINI DELPARÆ, ET S. LUCÆ
Orthodoxorum Medicorum Patrono.



QUÆSTIO MEDICA,

CARDINALITIIS DISPUTATIONIBUS
*manè discutienda, in Scholis Medicorum, die Jovis vigesima-sextâ
mensis Februarii, anno Domini M. DCC. LXI.*

P R Æ S I D E,

M. LUDOVICO-CLAUDIO BOURDELIN,
Doctore Medico, antiquo Facultatis Decano, Regiæ Scientia-
rum Academiæ, Regiæque Societatis Berolinienſis Socio, & in
Horto Regio Chymix Professore.

*Virum homo sanus, qui & bene valet & sua spontis est, nullis
obliga e se legi us debeat?*

I.



RITUM & vulgatissimum proverbium est, *Miserè vivit, qui
medicè vivit.* Quam calumniam in Medicinam non injecissent
voluptatum lectatores, si, melius perceptis, quæ tradit ad sa-
nitatem tuendam, præceptis, boni & mali falsas non con-
cepissent ideas. Miseri! qui vanâ felicitatis imagine delusi,
nubem pro Junone captant. Quæ enim absque sanitate felicitas,
aut quæ miseria morbo æquiparanda? Tantum abest igitur ut infelices di-
cendi sint, qui præceptis Medicinæ obtemperantes sanitati consulunt &

2

morbos præcavent, ut è contrà soli felices sint prædicandi, cùm soli fruantur valetudine, fundamento absque quo perit necessario omnis voluptas.

Tantò autem magis sunt increpandi illi obrectatores Artis saluberrimæ, quòd præceptis suis non minùs prospiciat Medicina voluptatibus quàm sanitati: nulla namque voluptas potior illâ, quàm antecedit naturalis appetitus, & ut illum integrum servant non minùs temperantiam sapientiores Epicuri sectatores, quàm Hippocratis alumni commendant. Sed ut talem contumeliam à Doctrinâ medicâ meliùs avertam, propugnare aggredior in agone hodiernò effatum illud ex *AURELII CORNELII CELSI, de Medicinâ, L. b. I. Cap. I.* Defumptum, *sanus homo, qui & bene valet, & sue sportis est, nullis obligare se legibus debet.*

I I.

SANUS vocatur qui omnes functiones non solùm absque labore, sed etiam cum oblectamento valet exercere, aut reipsâ datâ occasione exercet. Nec tamen ex sanorum numero statim rejiciendus, qui cum aliqua labore quibuldam fungitur functionibus; dummodò ista læsio sit levis, nisi ad breve tempus, & præsentem tantum causâ lædente persistat. Itaque quamdam veluti *latitudinem* habet valetudo, & intrâ limites non aded angustos continetur. Alii enim non nisi à causâ gravi, alii verò à causâ vel levissimâ lædi possunt; sani quidem utrique dicendi, attamen sani præ cæteris haberi merentur, illi quorum functiones difficillimè turbantur, siquidem diutius illibata persistere potest eorum sanitas. Sed diversum vitæ genus habere illos debere, ex indè patet quòd alii lædantur à rebus, quas faciliè ferant alii: rerum enim non naturalium usus habetur bonus aut malus, prout confert vel nocet sanitati cujusque individui. Quis Medicus idem vitæ genus imperare auderet debili mulierculæ, teneroque infanti, alioqui sanis ac milite aut illi, ut verbis Poëtæ utar, *gravem duro terram qui vertit aratro*. Itaque non omnibus sanis præcipitur præceptum illud Cellianum, sed tantùm sanis qui bene valent, id est, quorum levi de causâ functiones non læduntur.

I I I.

MAXIMI interest vel & sanissimis ut constantem & firmam illam valetudinem inconcussam servant; quod ut consequantur necesse habent eam præliis contrà externas injurias munire: namque licet sat roboris insit in illis ut propulsent causas leves quæ sanitati insidiantur; attamen si repetito ingruant causæ lædentes vel levissimæ, paulatim labefactando illam sanitatem, tandem corruiere facient. Nullum autem præsidium tutius adinveniri potest in illo casu ipsâ consuetudine, cujus tanta est potentia, ut à vetustissimis sapientiæ Professoribus, quasi altera quædam habita natura sit, & momente divino Hippocrate, Aphor. 50. Sect. II. à multo tempore consueta, etiam si fuerint deteriora insuetis, minus turbare soleant. Per consuetudinem verò hîc intelligi volumus rerum sex non naturalium usum peculiarem repetitum & aliquandiu continuatum, quo fit ut organa machinæ animalis apta evadant ad motus suos statis temporibus aut modis edendos. Adeò enim sunt comparata illa organa, ut motus quibus pluries moti sunt, repetant semper eodem

modo; sic qui a causâ quâcumque externâ aliquoties somno excussus est horâ determinatâ, evigilatur spontè eâdem horâ: affici etiam desinunt à causâ quæ pluries illa lacescivit: Indiarum incolæ nullam vim opii, cui assuescunt, soporiferam experiuntur; Agricolæ Calabrinæ & Siculi vescuntur mannâ quâ alvus solvitur cæteris hominibus.

Debet ergo assuescieri sanus homo omnibus rebus non naturalibus, quarum actionem olim experiri poterit. Siquidem illud absque ullo suæ valetudinis detrimento ferre potest; talis est enim constitutionis ejus vis & robur, ut minimè lædatur à levi abusu rerum non naturalium, dummodò hic abusus non sæpius statim repetatur, sed tantum per vices & paulatim assuescendo. Quis enim adedò sanus ut hesternâ cœnâ crudus possit sese novis alimentis ingurgitare absque noxâ. Si quo tempore assuescieri sic possumus rebus non naturalibus maximè in primâ infantia, in quâ nulla consuetudo jam contracta obstat quin contrariis assuescamus. Discant ergo parentes quàm malè agant cum pueris suis, quotiescumque illos ad statum vitæ genus adducunt, calidioribus cubiculo coercent, vestimentis onerant, aut illis denegant usuram aëris, exercitiâ interdunt, &c. Quid mirum, si exindè delicatuli exurgant, si inhabiles evadant ad munia vitæ adimplenda. Maneat itaque altâ mente repostum illis parentibus, si caram progeniem velint sanam vivere, utilemque civibus & patriæ, debere tùm omnibus tempestatibus annitum omni ciborum generi assuescieri.

L. V.

OPORTET igitur, ut præcipit CELSUS noster, hominem sanum *varium habere vitæ genus, modò ruri esse, modò in urbe, sapiusque in agro: navigare, venari; quiescere interdum, sed frequentius se exercere. Prodest etiam illi interdum Balneo, interdum aquis frigidis uti: nullum cibi genus fugere quo populus utatur: interdum in convivio esse, interdum ab eo se retrahere: modò plus iusto, modò non amplius assumere: bis die potius, quàm semel cibum capere: & semper quamplurimum, dummodò hunc concoquat. Illi concubitus (si legitime frui licet) neque nimis concupiscendus, neque nimis pertimescendus est: rarus, corpus excitat, frequens solvit. Cum autem frequens non numero sit, sed naturâ, ratione etatis, & corporis, scire licet, eum non inutilem esse, quem corporis neque languor, neque dolor sequitur.*

En præcepta quæ Medicina tradit sanis hominibus. Sic omnibus rebus assuesfacti, nullis indigebunt, aut potius quâque harum carere poterunt, & tamen indè nullum capient detrimentum, cum vices illius supplere facillimè possint, substituendo res æquè assuetas. Quid verò dulcius illo vitæ genere, in quo homini valido frui datur paratis; in quo malefano urbium tumultui succedit amœna quies rurum, ubi

Libet jacere, modò sub antiquâ ilicè,

Modò in tenaci gramine,

Ubi

Aut trudit acres hinc & hinc multa cava-

Apros in obstantes plagas.

4

Aut amite levi rara tendit retia;

Turdis edacibus dolos,

Pavidumque leporem, aut advenam laqueo gruem

*Jucunda capiat premia.**

* Horat.
Epod. II.

Et si edaces curas fugare potest, omni ex parte beatus dici meretur. Desinant ergò miseros prædicare, qui medicè vivunt, siquidem felices verè dici possint soli viventes medicè.

V.

ATTAMEN quando quidem,

Est modus in rebus, sunt certi denique fines,

*Quos ultrà citràque nequit consistere rectum.**

* Horat.
serm. Lib. I.
Satyr. I.

Cavendum monet idem **CELSUS** ne in secundâ valetudine, adversâ præsidia consumantur: Quòd certè cavere non poterit homo sanissimus, si à prudenti & sapientissimo Medico non edidicerit quæ illi consecretanda, quæ verò fugienda sunt, si ab illo non acceperit præcepta quæ superiùs tradidimus; aut si, quod caput est, non sit certior factus se esse de numero illorum, quibus unica lex præcipitur *ne se ullis legibus obligent*. Undè sat mirari non possum quod auctor cæteroquin sapiens & doctrinam medicam apprime edoctus subjecerit, veluti novum præceptum, cum cæteris adeò parum congruens, hominem sanum, *neque Medico neque Iatraliprà egere debere*. Sed licet erroneum illud præceptum rejicere cogamur, non impedit tamen quominùs cum illo concludamus:

Ergò homo sanus, qui & bene valet, & suæ spontis est, nullis obligare se legibus debet.

Proponebat Parisiis **AUGUSTINUS ROUX**, Burdigalus, in almâ Burdigalensi Universitate Doctor Medicus, necnon saluberrimæ Facultatis Medicinæ Parisiensis Baccalaureus, Theleos Auctor. A. R. S. H. 1761.

A SEXTA AD MERIDIEM.

Typis Viduæ **QUILLAU**, Universitatis & Facultatis Medicinæ Typographi, 1761.